

IV. OPOSICIÓN E CONCURSOS**SERVIZO GALEGO DE SAÚDE**

RESOLUCIÓN do 30 de xuño de 2026, da Xerencia da Área Sanitaria da Coruña e Cee, pola que se resolve a convocatoria pública para a provisión dun posto de xefe/a da Sección de Nefroloxía, Área de Transplante Renal, convocado mediante a Resolución do 23 de xaneiro de 2026 (Diario Oficial de Galicia número 22, do 3 de febreiro).

Mediante a Resolución do 23 de xaneiro de 2026 (DOG número 22, do 3 de febreiro) a provisión dun posto de xefe/a da Sección de Nefroloxía, Área de Transplante Renal, esta xerencia, en virtude das competencias atribuídas polo Decreto 145/2024, do 20 de maio (DOG número 101, do 27 de maio), polo que se establece a estrutura orgánica do Servizo Galego de Saúde; pola Orde do 22 de abril de 2020 (DOG número 82, do 29 de abril), de delegación de competencias en órganos centrais e periféricos da Consellería de Sanidade e do Servizo Galego de Saúde e na Axencia Galega para a Xestión do Coñecemento en Saúde, e polo Decreto 134/2019, do 10 de outubro (DOG número 204, do 25 de outubro), polo que se regulan as áreas sanitarias e os distritos sanitarios do Sistema público de saúde de Galicia,

DISPÓN:

Primeiro. Resolver a convocatoria pública para a provisión dun posto de xefe/a da Sección de Nefroloxía, Área de Transplante Renal, convocado mediante a Resolución do 23 de xaneiro de 2026 (DOG número 22, do 3 de febreiro).

Segundo. Nomear para o posto que se indica a persoa citada no anexo desta resolución.

Terceiro. A persoa aspirante seleccionada deberá cesar na praza que desempeña dentro dos tres días hábiles seguintes a aquel en que se publique a resolución no *Diario Oficial de Galicia*.

A toma de posesión do posto de traballo adxudicado deberá efectuarse dentro dos tres días hábiles seguintes ao do cesamento, se a praza desempeñada e o posto adxudicado son da mesma área de saúde, ou no prazo de quince días hábiles se son de distinta área de saúde. Para estes efectos, entenderase por praza desempeñada a efectivamente ocupada, con independencia de que sexa en condición de destino definitivo, adscrito ou destino provisional ou comisión de servizos.

CVE-DOG: 6p4m2i3-dcm4-raz0-x337-zotnamumyt11



Se así o permiten as necesidades do servizo, e por petición motivada da persoa interesada, os prazos a que se refiren os parágrafos anteriores poderán ser prorrogados polo órgano convocante.

O prazo de toma de posesión e a súa prórroga terán a condición de servizo activo e os correspondentes haberes percibiranse de conformidade co que estableza a orde sobre confección de nóminas do persoal ao servizo da Administración autonómica.

Entenderase que solicita a excedencia voluntaria por interese particular, e será declarado/a nesa situación polo órgano competente, quen non se incorpore ao posto adxudicado no prazo establecido.

Cuarto. Contra a presente resolución poderase interpor recurso de alzada ante a Dirección Xeral de Recursos Humanos do Servizo Galego de Saúde no prazo dun mes, contado desde o día seguinte ao da súa publicación, nos termos establecidos nos artigos 121 e 122 da Lei 39/2015, do 1 de outubro, do procedemento administrativo común das administracións públicas.

A Coruña, 30 de xuño de 2026

Luis Verde Remeseiro
Xerente da Área Sanitaria da Coruña e Cee

ANEXO

Denominación do posto: xefe/a da Sección de Nefroloxía, Área de Transplante Renal.

Nome e apelidos: Constantino Fernández Rivera.

DNI (*): ***0400**.

(*) Ocúltase parcialmente o número do documento nacional de identidade para preservar os datos de carácter persoal.

